

60+

# ONWEERSTAANBAAR

*Aspekte van die geloof*  
Lofprysing en Aanbidding



## PREEKNOTA

Datum: 19/03/2025

### Inleiding

*“Die doel van lofprysing is nie om God te herinner hoe groot Hy is nie, maar om onself te herinner hoe afhanklik ons van Hom is.”*

*C.S. Lewis*

*“Aanbidding is nie om dinge van God te kry nie, maar om God self te waardeer en te geniet.”*

*John Piper*

### 1. Lofprysing en aanbidding is 'n keuse:

<sup>2</sup>Ek wil die Here heelyd prys; ek sal Hom dag en nag met lofliedere loof.

**Psalm 34:2 (DB)**

<sup>17</sup>Al sou die vyeboom nie bot nie en daar geen druiwe aan die wingerde wees nie, al sou die olyfoes misluk en die lande geen oes lewer nie, al sou daar geen kleinvee in die kampe meer wees nie en die beeskrale sonder beeste wees, <sup>18</sup> nogtans sal ek in die Here jubel, sal ek juig in God, my Redder. <sup>19</sup>Die Here my God gee vir my krag. Hy maak my voete soos dié van 'n ribbok, op hoë plekke laat Hy my veilig loop. Vir die koorleier. Met snarespel.

**Habakuk 3:17-19 (AFR83)**

Laat alles wat asem het die Here prys! Prys die Here!

**Psalm 150:6 (AFR83)**

Kom, laat ons aanbid en neerbuig, kniel voor die Here, ons Maker, ...

**Psalm 95:6 (NLV)**

Laat ons dan deur Hom voortdurend 'n lofoffer aan God bring, dit is die vrug van lippe wat Sy Naam bely.

**Hebreërs 13:15 (AFR83)**

### 2. Naby God word jy verander:

<sup>1</sup>In die jaar van koning Ussia se dood het ek die Here gesien. Hy het op 'n baie hoë troon gesit, en die onderste van sy kleet het die tempel gevul. <sup>2</sup>By Hom was daar serafs om Hom te dien. Elkeen het ses vlerke gehad: met twee het hy sy gesig bedek, met twee sy voete en met twee het hy gevlieg. <sup>3</sup>Die serafs het mekaar telkens toegeroep: “Heilig, heilig, heilig is die Here die Almagtige! Die hele aarde is vol van sy magtige teenwoordigheid.”

<sup>4</sup>Hulle het so hard geroep dat die deure in hulle kosyne gerammel het en die tempel vol rook geword het. <sup>5</sup>Toe het ek uitgeroep: “Dit is klaar met my! Ek is verlore! Elke woord oor my lippe is onrein, en ek woon onder 'n volk van wie elke woord onrein is. En nou het ek die Koning gesien, die Here die Almagtige.”

**Jesaja 6:1-5 (AFR83)**

### 3. Dit is BAIE naby en persoonlik:

<sup>23</sup>“Maar daar kom 'n tyd, en dit is nou, wanneer die ware aanbidders die Vader deur die Gees en in waarheid sal aanbid, want die Vader wil juis hê dat die mense wat Hom aanbid, dit so moet doen. <sup>24</sup>God is Gees, en dié wat Hom aanbid, moet Hom deur die Gees en in waarheid aanbid.”

**Johannes 4:23-24 (AFR83)**

